



Broj: 02-05-1375/18  
Trnovo, 25.4.2018. godine

Na osnovu člana 70. Zakona o javnim nabavkama („Službeni glasnik BiH“, broj 39/14), a na Preporuku Komisije za provođenje postupka javnih nabavki broj 02-05-1375/18 od 25.4.2018. godine, u postupku javne nabavke radova, Općinski načelnik je d o n i o

### **ODLUKU o izboru najpovoljnijeg ponuđača**

#### Član 1.

**Prihvata se Preporuka Komisije za provođenje postupka javnih nabavki**, broj: 02-05-1375/18 od 25.4.2018. godine i ugovor za javnu nabavku radova- Hitne intervencije na čišćenju bujičnih vodotoka, dodjeljuje se ponuđaču **JKP „Trnovo“ d.o.o. Trnovo, Dejčići b.b., ponuda broj 02-IX-561/18 od 18.4.2018. godine, za ponudenu cijenu od 56.893,00 KM, bez PDV-a**, kao najpovoljnijem ponuđaču.

#### Član 2.

Prijedlog ugovora o nabavki dostavit će se na potpis izabranom ponuđaču **JKP „Trnovo“ d.o.o. Trnovo, Dejčići b.b.**, po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

#### Član 3.

Za izvršenje ove odluke zadužuje se i ovlašćuje nadležna služba Općine.

#### Član 4.

Ova odluka objavit će se na web-stranici [www.trnovo.ba](http://www.trnovo.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 02-05-1375/18 od 4.4.2018. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 59.829,10 KM.

Obavijest o nabavci broj: 886-7-3-13-3-14/18 na Portalu javnih nabavki objavljena dana 4.4.2018. godine.

Zahtjev za dostavu ponuda je prosljeđen sljedećim ponuđačima (istovremeno sa slanjem obavijesti na Portal javnih nabava):

- Ponuđaču: JKP „Trnovo“ d.o.o. Trnovo, Dejčići b.b.,
- Ponuđaču: Harysco d.o.o. Sarajevo, Bihačka 1.,
- Ponuđaču: ZZ Gros-Comp Hadžići, Hadželi 8.

Komisija za provođenje postupka javnih nabavki dostavila je dana 25.4.2018. godine izvještaj o radu broj: 02-05-1375/18 od 25.4.2018. godine, izvještaj o ocjeni ponuda i Preporuku o izboru najpovoljnijeg ponuđača broj: 02-05-1375/18 od 25.4.2018. godine, u postupku javne nabavke radova- Hitne intervencije na čišćenju bujičnih vodotoka.

U postupku po izvješću o radu je utvrđeno je da je Komisija za provođenje postupka javnih nabavki blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2,
- da je blagovremeno zaprimljeno 2 ponuda.
- da je neblagovremeno zaprimljena 0 ponuda.
- da je ponuda JKP Trnovo d.o.o. Trnovo, prihvatljiva.

- da je ponuda ponuđača MGBH d.o.o. Sarajevo, neprihvatljiva.

Razlozi neprihvatanja ponuda su slijedeći:

- Ponuđač MGBH d.o.o. Sarajevo, Lužansko polje 7.-Ilidža, isključuje se iz daljnjeg postupka javne nabavke iz slijedećih razloga: ponuđač je dostavio popis izvršenih ugovora u vezi sa predmetom nabavke i isti se nalazi na stranicama 25-30 ponude. Međutim, daljnjim uvidom u ponudu istog, vidljivo je da isti nije dostavio potvrdu o uredno izvršenom jednom ugovoru u iznosu od najmanje 40.000,00 KM i to u poslovima čišćenja bujičnih vodotoka, a kako je to traženo dijelom III Uslovi za kvalifikaciju ponuđača tačkom 1.5. Tehnička i profesionalna sposobnost alinejom b). Uvidom u ponudu konstatovano je da je ponuđač na stranicama 31-36 dostavio potvrde o izvršenim ugovorima, ali ni iz jedne nije vidljivo da se radi o poslovima čišćenja bujičnih vodotoka kako je to traženo tenderskom dokumentacijom. U konkretnom slučaju se tražilo isključivo potvrda na čišćenju bujičnih vodotoka, bez napomene da se mogu priložiti i potvrde sa istih i sličnih poslova, tako da u konkretnom slučaju niti jedna priložena potvrda nije mogla biti prihvaćena.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

R.br.	PONUĐAČ	Konačna cijena bez PDV-a
1.	JKP „Trnovo“ d.o.o. Trnovo, Dejčići b.b.	56.893,00

Izabrani ponuđač je izabran primjenjujući kriterij najniže cijene, koja je ponuđena u iznosu od 56.893,00 KM bez PDV-a, dok su ostali ponuđači čije su ponude prihvatljive ponudili sljedeće cijene kao što je u tabeli navedno i čime je utvrđen i njihov sukcesivni red.

Na osnovu naprijed navedenog, odlučeno je kao u članu 1. Odluke.

#### POUKA O PRAVNOM LIJEKU

Protiv ove odluke može se izjaviti žalba u roku od 10 dana od dana prijema Odluke o izboru najpovoljnijeg ponuđača. Žalba se izjavljuje Ugovornom organu u pismenoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koja ne može biti manji od tri, kako bi mogla biti uručena izabranom ponuđaču kao i drugim strankama u postupku.

Dostavljeno:

1. Ponuđačima 1- 2
2. U spis predmeta

Općinski načelnik  
Ibro Berilo